

廿二史札記

廿二史札記

廿二史劄記卷十二

陽湖 趙翼 雲崧

人君卽位冠白紗帽

宋前廢帝子業將殺湘東王彧彧結左右壽寂之等弑

帝于後堂建安王休仁便稱臣引彧升西堂登御座事

出倉猝猶著烏紗帽休仁呼主衣以白紗帽代之乃卽

位是爲明帝

明帝紀

後廢帝昱無道蕭道成使王敬則結帝

左右陳奉伯等弑之明旦召大臣會議敬則遽呼虎賁

鍛戟羽儀手自取白紗帽加道成首令道成卽位曰事

須及熱道成呵之乃止

齊高帝紀

又齊書柳世隆傳沈攸之起

兵謂諸將曰我被太后令建義下都大事若尅白紗帽

當共着耳是古來人君卽位例著白紗帽蓋本太子由
喪次卽位之制故事相沿遂以白紗帽爲登極之服也
齊梁之君多才學

創業之君兼擅才學曹魏父子固已曠絕百代其次則

齊梁二朝亦不可及也齊高帝雖不才學名然少爲

諸生

劉瓛傳論

從雷次宗受業治禮及左氏春秋

本紀

爲領軍時

與謝超宗共屬文愛超宗才翰

超宗傳

卽位後見武陵王奕

效謝康樂體詩訓之曰康樂放蕩作體不辨首尾安仁

士衡深可宗尙顏延之抑其次也是帝之深于詩文也

奕傳

又嘗與王僧虔賭書畢謂僧虔曰誰爲第一僧虔曰

臣書第一陛下亦第一帝笑曰卿可謂善自爲謀

僧虔傳

是

帝之精于書法也其子孫亦多以才著臨川王映能左

右書

映傳

鄱陽王鏘好文章桂陽王鐸好名理人稱爲鄱

桂鏘

鏘傳

江夏王鋒五歲學鳳尾諾一學卽十歲能屬文

武帝謂其書爲第一明帝輔政剪除高武子孫鋒作修

柏賦以寓意

鋒傳

此其子之多才學也文惠太子臨國學

與王儉講禮記毋不敬周易乾震之義

文惠傳

竟陵王子良

招致學士抄五經百家爲四部要略千卷

子良傳

晉安王子

懋撰春秋例苑三十卷

子懋傳

隨郡王子隆能文武帝曰此

我家東阿也

子隆傳

此其孫之多才學也而諸孫中尤以豫

章王嶷之諸子爲最子範入梁爲南平王從事製千字

文令蔡遠注之府中文筆皆子範屬草簡文遭侯景之

逼葬其后使子範作哀冊文詞極工
婉帝曰此段莊陵萬事零落惟哀冊尚有典刑
子顯著鴻序賦沈約見之極爲傾倒
又採衆家後漢書考正同異作後漢書一百卷
又撰齊書六十卷普通北伐記五卷貴儉傳三卷文集二十卷
其子愷亦工詩于宣猷堂與諸名人餞謝朓出守賦詩用十五劇韻獨先就又極工
子顯傳子顯弟子雲有文藻弱冠撰晉書年二十六書成百餘卷又工書百濟國使人求其書值子雲將出都使者望船一步一拜子二遣問之曰侍中尺牘之美名聞海外今日所求惟在名迹乃停舟書三十紙與之其子特亦工書梁武謂之曰子敬之迹才及右軍蕭特之不傳過于父
子雲此亦

肅齊後人負一代文學之望者也至蕭梁父子間尤爲
獨擅千古武帝少而篤學洞達儒元雖萬機多務猶卷
不輟手造制旨孝經義周易講疏及六十四卦二繫文
言序卦等義樂社義毛詩答問春秋答問尙書大義中
庸講疏孔子正言老子講疏共二百餘卷又令明山賓
等述制旨并撰吉凶軍賓嘉五禮一千餘卷又造通史
親制讚序凡六百卷天性睿敏下筆成章千賦百詩直
疏便就諸文集又一百卷並撰金策三十卷兼長釋義
製涅槃大品淨名三慧諸經義又復數百卷歷觀古帝
王藝能博學罕或有焉武本昭明太子三歲受孝經論語
五歲遍讀五經及長讀書數行並下過目皆憶每遊宴

祖餞賦詩輒十數韻或作劇韻皆屬思便成無所點易

著文集二十卷古今典誥文言爲正序十卷五言詩之

善者爲文章英華二十卷文選三十卷本傳簡文帝六歲

便能屬文旣長九流百氏經目必記篇章詞賦操筆立

成博綜儒書善言元理自序其詩云余七歲有詩癖長

弗倦也史論謂其傷於輕豔當時號曰宮體所著昭明

太子傳五卷諸王傳三十卷禮大義二十卷老子義二

十卷莊子義二十卷長春義記一百卷法寶連璧三百

卷本紀元帝好學博極羣書才辨敏速冠絕一時著孝德

傳三十卷忠臣傳三十卷丹陽尹傳十卷注漢書一百

一十五卷周易講疏十卷內典博要一百卷連山三十

卷洞林三卷王韜十卷老子講疏四卷全德志懷舊志

荆南志江州記貢職圖又古人同姓名錄一卷筮經十

二卷式贊三卷文集五十卷

本紀

南康王績七歲有人洗

改官文書者即能察出

本傳

邵陵王綸預餞衡州刺史元

慶和於坐賦詩十二韻末云方同廣川國寂寞久無聲

武帝大賞之曰汝人才如此何慮無聲其後湘東王繹

與河東王譽交兵綸作書勸其息家庭之爭赴君父之

急詞極愷切動人

本傳

武陵王紀少勤學有文才屬詞不

好輕華甚有骨氣

本傳

此梁武父子間才學也帝弟南平

王偉精元學著二旨義別爲新通又製性情機神等論

周捨殷芸俱不能屈

本傳

鄱陽王恢獵史籍

本傳

安成王秀

精意學術搜集傳記招劉孝標爲類苑未畢而已行於

世

本傳

此又帝諸弟之才學也昭明諸子史不著其能文

簡文子大心幼聰朗善屬文大臨以明經射策甲科大
連少俊爽工文兼善丹青武帝賜以馬卽爲謝啟其詞
甚美大鈞七歲學詩武帝賜以王羲之書一卷元帝子
方等嘗著論以魚鳥自况因不得於父也曾註范蔚宗
後漢書未就所撰三十國春秋及靜住子行於世第三
子方諸博學明老易善談元詞辨風生南康王績子會
理少聰慧好文史其弟通理博學有文才嘗祭孔文舉
墓爲之立碑其文甚美邵陵王綸子堅善草隸其弟確
尤工楷法公家碑誌皆令書之除秘書丞武帝謂曰以

汝能文故有此授武陵王紀子園正爲元帝囚於荊州
曾有連句詩曰水長二江急雲生三峽昏願貫淮南罪
思報阜陵恩元帝覽詩而泣此皆見於各本傳者此武
帝諸孫之才學也帝兄懿之子淵藻善屬文尤好古體
非公宴不妄作雖小文成輒棄本懿之孫孝儼從帝游
華林園於坐獻相風鳥華光殿景陽山等頌南平王偉
之孫靜宗室後進有文才篤志好學散書滿席手自校
讐鄱陽王恢之子範雖無學術而率意題章皆有奇致
嘗得舊琵琶齊竟陵王子良舊物也卽攬筆爲詠以示
湘東王王作琵琶賦和之始與王憺之子映因野穀生
爲嘉穀頌其弟奕當簡文入居監撫爲儲德頌以獻安

成王秀之子機博覽強記有詩賦數千言元帝序而傳之機弟推亦善屬文爲簡文所賞此亦皆見於本傳者又帝從子從孫之才學也

齊明帝殺高武子孫

宋子孫多不得其死猶是文帝孝武廢帝明帝數君之所爲至齊高武子孫則皆明帝一人所殺其慘毒自古所未有也明帝本高帝兄子早孤高帝撫之恩過諸子歷高武二朝爵通侯官僕射至鬱林王時輔政因鬱林無道弑之而立海陵不數月又廢弑之而奪其位自以得不以正親子皆幼小而高武子孫日漸長大遂盡滅之無遺種

子岳傳

今按高帝十九子長武帝次豫章王疑臨

川王映長沙王晃武陵王奕安成王暕始興王鑑皆卒
于明帝前故未被害又早殤者四人其餘鄱陽王鏘桂
陽王鐔江夏王鋒南平王銳宜都王鏗晉熙王鉞河東
王鉉衡陽王鈞皆明帝所殺也武帝二十三子長文惠
太子早薨次竟陵王子良善終魚復侯子響武帝時以
擅殺長史拒臺兵見殺又早殤者四人其餘廬陵王子
卿安陸王子敬晉陵王子懋隨郡王子隆建安王子真
西陽王子明南海王子罕巴陵王子倫邵陵王子貞臨
賀王子岳西陽王子文衡陽王子峻南康王子琳湘東
王子建衡山王子珉南郡王子夏皆明帝所殺也文惠
太子子鬱林王昭業海陵王昭文旣爲明帝所殺巴陵

至昭秀桂陽王昭粲亦明帝殺之甚至竟陵王子良之子昭胄昭穎亦明帝所殺統計高帝後惟豫章王嶷有子子廉子恪子操子範子顯子雲等有後于梁其餘諸子及武帝文惠諸子孫大半皆被明帝之禍且俱無後按齊高嘗戒武帝曰宋氏若不骨肉相殘他族豈得乘其衰敝故終武帝世諸兄弟尙得保全然齊高但知宋之自相屠戮而不知已之殺劉氏子孫之慘當巴陵王子倫被害時謂茹法亮曰先朝殺滅劉氏今日之事理數固然是天理卽人心殺人子孫者人亦殺其子孫金翅下殿搏食小龍無數

子良傳明帝名鸞卽金翅鳥也

斯固齊高之自取也

然齊明之忍心害理亦已至矣建武中凡三誅諸王每

一行事帝輒先燒香火鳴咽流涕人以此知其夜當有

殺戮

子岳傳

每殺諸王皆以夜遣兵圍宅或斧砍關排牆而

入

鏘傳

當時高武子孫朝不保夕每朝見鞠躬俯僂不敢

正行直視

鉉傳

桂陽王鑠見帝後出謂人曰吾前日見上

流涕鳴咽而郗陽隨郡誅今日又流涕而有愧色其在

吾耶是夕果見殺

鑠傳

宜都王鏗咏陸機弔魏武云昔以

四海爲己任死則以愛子托人左右皆泣未幾賜死

鏗傳

王敬則起兵向闕以奉南康王子恪爲名子恪逃走不

知所在明帝欲盡殺高武子孫乃悉召入尙書省勅人

各兩左右白隨孩抱者乳母隨入其夜太醫煮藥都水

辦棺材數十具須三更悉殺之會子恪自吳奔歸二更

刺啟入時刻已至而帝眠未醒沈徽孚單景雋少畱其事及帝覺乃白子恪已至帝驚曰未盡諸王命耶景雋具以事答明日悉遣諸王侯還第

昭胃傳

蓋天良難昧帝亦

之所不安也然其後又卒皆誅死然則齊明之

無復人理真禽獸之不若矣卒之高武子孫

之子東昏侯寶卷和帝寶融皆被廢殺之禍

先爲東昏所殺鄱陽王寶寅逃入魏後亦

王寶攸晉熙王寶嵩桂陽王寶貞皆中興

廣陵王寶源以先卒未被禍巴陵王寶

餘皆早夭是明帝之子亦無一得免

帝親兄子明帝謀害諸王皆遙光

贊成之後遙光亦以反誅真所謂天理昭彰報施不爽
凡殺人以利己者可以觀於此矣

齊制典籤之權太重

齊制諸王出鎮其年小者則置行事及典籤以佐之一
州政事以及諸王之起居飲食皆聽命焉而典籤尤爲
切近齊書孝武諸子傳論謂帝子臨州年皆幼小故輔
以上佐簡自帝心州國府第先事後行飲食起居動應
聞啟行事執其權典籤掣其肘處地雖重行已莫由斯
宋氏之餘風在齊而彌甚也今見於列傳者武陵王奕
爲丹陽尹始不置行事得自親政奕傳隨郡王子隆督益
州始親府州事子隆傳可見其始皆有行事不得自專也蔡